

**Sekretáriu de Estadu Konsehu de Ministrus no  
Porta-vóz Ofisiál Governu Timor-Leste  
Ágio Pereira**



**29 Marsu 2010  
Díli, Timor-Leste**

**Timor-Leste hametin estabilidade ho reformas institusionais iha nível Polísia Nasionál (PNTL)**

Kontribuisaun ida mós ne'ebé boot liuhotu, hodi hametin estabilidade iha Timor-Leste, mak anúnsiu husi Governu kona-ba oinsá Polísia Nasionál Timor-Leste (PNTL) konsege hala'ó duni reformas rigorozas, abranjentes no esensiais ba profesionalizasaun setór seguransa nasaun nian.

Órgauns independentes rua, **Sekretariadu ba Promosaun PNTL** ne'ebé Dra. Isabel Ferreira ho **Komisaun ba Promosaun PNTL**, painél internasionál ida ho representatne husi Portugal, Austrália, Singapura, Nova Zelândia no Timor-Leste, ne'ebé Irman Guilhermina Marçal mak lidera, hala'ó hotu ona primeiru sistema meritokrátiku, katak haré liu ba méritu, iha testes, avaliausaun, análise no promosaun ne'ebé halo ba agentes Polísia tuir sistema klasifikasaun ne'ebé foin estabelese, no mandatu Dekretu-Lei N.º 16/2009, 18 Marsu.

Dekretu-Lei ne'e estabelese rejime karreira ida ho eskaloens sanulu resin-rua ba PNTL, bazeia ba prátika internasionál ne'ebé diak liuhotu, ho papéis i responsabilidades ne'ebé define didi'ak ba postu ida-ida.

Testes rejime Promosaun ne'e, halo liuhusi prosesu ida ho fazes tolu, ne'ebé hahú ho ezame eskritu kona-ba konhesimentus jerais relasiona ho polisiamentu i direitus umanus ho perguntas 100, ne'ebé observadores independentes mak administra.

Inspetores, subinspetores no agentes ho experiênsia komandu ne'ebé hetan rezultadus hanesan ka liu 50% iha ezame kona-ba konhesimentus jerais, avansa ba ezame psikolójiku. Prosesu remata ho entresvistas oras ida laran ho Komisaun ba Promosaun PNTL.

Ajentes PNTL besik ema 2.500 simu promoens no simu mós postus foun ho baze iha rezultadus testes nian.

Ho konkluzsaun prosesu, Governu mós aprova ona rezolusoens ne'ebé Sekretariadu ba Promosaun PNTL no Komisaun ba Promosaun PNTL rekomenda, inklui:

1. **Aprovasaun Promoens ba Períodu Tranzitóriu Polísia Nasionál Timor-Leste nian:** sertifika data promoens no garante rezolusaun ba kazuas pendentis haré tuir artigu 38.º Dekretu-Lei N.º 16/2009, 18 Marsu nian.
2. **Kriasaun Komisaun atu tulun Prosesu Promoens ba PNTL:** estabelese Komisaun ida atu fó tulun ba implementasaun promoens, rezolusaun kona-ba kazuas elementus PNTL nian ne'ebé la hetan pozisoens no rekoilha i análise informasoens kona-ba rekomendasoens esensiais ba Governu kona-ba aspetus vitais implementasaun reforma nian.
3. **Revizaun artigu 11.º Dekretu-Lei N.º 16/2009, 18 Marsu – Rejime Promoens PNTL nian:** estabelese prosesu revizaun ida ba segunda faze

**KOMUNIKADU BAA IMPRESSA**

promosoens nian ne'ebé hala'o ba elementus ne'ebé iha dezempenhu korajozu ou ba sira ne'ebé hatudu kbiit boot tebes iha lideransa, hanesan veteranus,ofisiais superiores no ofisiais ne'ebé partisipa iha kursus formasaun oioin maibé la konsidera sira iha promosaun.

Sistemas ne'ebé stabelese ona husi Sekretariadu ba Promosaun PNTL no Komisaun Promosaun PNTL garante katak prosesu ne'e independente tebes duni, transparente no la iha interferênsia husi li'ur ka polítika ruma.

Sekretáriu Estadu Ágio Pereira refere katak “Reforma ne'ebé esensial ba setór seguransa ne'e, hanesan iniciativa ida mós ne'ebé vital liuhotu husi Governu Xanana Gusmão; hanesan hakat boot ida atu garante katak ita nia Nasaun kontinua moris ho dame, ne'ebé forsa seguransa profesionál mak salvaguarda i ho sentidu responsabilidade sívika ita hotu nian. Setór ne'e bele konsentra metin iha aspetus kapasitasaun no modernizasaun, hodi hasoru nesesidades ita nia Povu nian, ita nia demokrasia ne'ebé sei nurak nian, no ita nia estadu ne'ebé iha faze dezvoltamentu.’

‘Ami hakarak hato'o parabeins ba Sekretariadu ba Promosaun PNTL, no ba Komisaun Promosaun PNTL, ba mane no feto sira hotu iha PNTL no ba ema tomak ne'ebé kontribui iha prosesu ne'e, tanba sira hatudu katak hatene sira nia devér rasik. Reforma ne'ebé kle'an tebes ne'e hanesan testemunhu klaru ida katak ita hotu hamutuk ita bele halo mudansas ne'ebé dura kleur.” **FIN**

Ba informasoens seluktán favór kontakta:

**Ágio Pereira** +670 723 0011

Korreiru eletróniku: [agiopereira@cdm.gov.tl](mailto:agiopereira@cdm.gov.tl)

Ou [govtlmedia@gmail.com](mailto:govtlmedia@gmail.com)